



SAOPŠTENJE ZA JAVNOST

Presuda od tri godine zatvora zbog razbojništva

(Brčko, 21.08.2025. godine)

Osnovni sud Brčko distrikta BiH pravosnažno je osudio Dragana Gmitrovića iz Brčkog na jedinstvenu kaznu zatvora u trajanju od 3 (tri) godine zatvora zbog izvršenja dva krivična djela "Razbojništva" na prostoru Brčko distrikta BiH u toku 2025. godine.

Podsjetimo, u večernjim satima dana 9. juna 2025. godine Policija Brčko distrikta BiH realizovala je operativnu akciju kodnog naziva "Kavez" poduzetu sa ciljem otkrivanja počinioca krivičnih djela "Razbojništva" koja su se dogodila u Brčko distriktu BiH u mjesecu maju i junu 2025. godine prema specifičnom načinu izvršenja koji je bio naročito uznemirujući za lokalnu zajednicu. Intenzivno provodeći radnje iz svoje nadležnosti, Tužilaštvo Brčko distrikta BiH je u vrlo kratkom roku od svega 14 dana okončalo istragu podizanjem optužnice protiv lica Dragana Gmitrovića iz Brčkog, koji se tereti da je dana 24. maja 2025. i 06. juna 2025. godine u Brčkom izvršio dva krivična djela "Razbojništva" na štetu dva lica starije životne dobi. Istovremeno sa podizanjem optužnice, naprijed imenovanom licu je na prijedlog Tužilaštvo Brčko distrikta BiH produžen pritvor za još dva mjeseca.

Suočen sa dokazima iz optužnice Tužilaštva Brčko distrikta BiH, optuženi Dragan Gmitrović dobrovoljno, svjesno i sa razumijevanjem priznao je krivicu za izvršenje krivičnih djela na način i u vrijeme kako je to opisano optužnicom, te dana 19. augusta 2025. godine zaključio Sporazum o priznanju krivice koji je istog dana i prezentovan Osnovnom sudu Brčko distrikta BiH na zakazanom ročištu za izjašnjenje o krivici.

Prihvativši dostavljeni Sporazum o priznanju krivice, Osnovni sud Brčko distrikta BiH objavio je presudu kojom se Dragan Gmitrović iz Brčkog osuđuje na jedinstvenu kaznu zatvora u trajanju od 3 (tri) godine, osuđenom se vrijeme provedeno u pritvoru počev od 9. juna 2025. godine do dana upućivanja na izdržavanje kazne zatvora uračunava u izrečenu kaznu zatvora, te oštećeni se upućuju na parnični postupak u svrhu naknade štete.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ